



**BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
KOMISIJA ZA FINANSIJE I BUDŽET**

Broj: 01/4-011- 571 /01
Sarajevo; 19.09.2001.god.

IZVJEŠTAJ

sa 17. sjednice Komisije za finansije i budžet održane 19.09.2001.god. od 12,00

Sjednici su prisustvovali sljedeći članovi:

Ljubomir Kovačević, Prvi zamjenik predsjedavajućeg komisije
Zdenko Vukić, Drugi zamjenik predsjedavajućeg komisije
Dragi Stanimirović
Ramiz Vilić
Salih Kulenović

Našid Oruč, sekretar

Sjednici nisu prisustvovali sljedeći članovi:

Mirko Baković
Tihomir Gligorić
Boro Bjelobrk

Za sjednicu je predložen i usvojen sljedeći:

DNEVNI RED

1. Usvajanje izvještaja za 11,12,13,14,15 i 16 sjednicu Komisije.
2. Razmatranje Drugog amandmana na Sporazum o grantu između Bosne i Hercegovine i Sjedinjenih američkih država za program reintegracije i stabilizacije zajednice
3. Razmatranje Sedmog amandmana na Ugovor o bespovratnim sredstvima između Bosne i Hercegovine i Sjedinjenih američkih država o programu za finansiranje rekonstrukcije pod nazivom "Program poslovnog razvoja"
4. Druga pitanja (uključivo i moguće pripreme vezano za izmjene i dopune budžeta BiH i institucija BiH za 2001.god)

- I. Komisija je usvojila izvještaje sa 11.,12.,13.,14.,15. i 16. sjednice Komisije za finansije i budžet uz napomenu da se eventualne primjedbe naknadno evidentiraju.
- II. U vezi sa 2. i 3. tačkom dnevnog reda Komisija je upoznata da je u skladu sa članom 32 Poslovnika Predstavničkog doma upućen poziv predstavniku Predsjedništva BiH da prisustvuje sjednici Komisiji. Predstavnik predsjedništva se nije odazvao pozivu.

Komisija je nakon razmatranja dokumente iz tačke 2 i 3 dnevnog reda i zaključila:

- a) Komisija je smatra da je potrebno prihvatiti Drugi amandman na Sporazum o grantu između Bosne i Hercegovine i Sjedinjenih američkih država za program reintegracije i stabilizacije zajednice, jer povećava iznos donacije sa 24.600.000.\$ na 56.630.512.\$ a koji po sebi ne utiče na druge kvalitete sporazuma. U vezi s tim Komisija je zaključila da se Predstavničkom domu predloži donošenje odluke o davanju saglasnosti za ratifikaciju po ovom dokumentu.
- b) Komisija nije izrazila svoje mišljenje o Sedmom amandmanu na Ugovor o bespovratnim sredstvima između Bosne i Hercegovine i Sjedinjenih američkih država o programu za finansiranje rekonstrukcije pod nazivom "Program poslovnog razvoja", smatrajući da prilikom razmatranja ovog dokumenta treba biti prisutan Predlagač, odnosno predstavnik Predsjedništva BiH koje je ovaj dokument uputilo PSBIH na davanje odluke o saglasnosti za ratifikaciju. Komisija

je zaključila da se u skladu s tim ponovo uputi poziv Predsjedništvu BiH za prisustvovanje na prvoj narednoj sjednici Komisije na čiji dnevni red će se ponovo staviti razmatranje Sedmog amandmana na Ugovor o bespovratnim sredstvima između Bosne i Hercegovine i Sjedinjenih američkih država o programu za finansiranje rekonstrukcije pod nazivom "Program poslovnog razvoja"


III.

- Komisija je upoznata o primjedbi Ureda za reviziju u odnosu na uvodni dio Komisijskog izvještaja o izvještaju o izvršenoj reviziji Ministarstva vanjskih poslova, gdje se kaže da je ovo "Prvi izvještaj Ureda za reviziju", a radi se u stvari o prvom komisijskom izvještaju o izvještaju o izvršenoj reviziji. Komisija je prihvatila ovu primjedbu uz zaključak da se o tome i o potrebi korekcije obavjesti Predstavnički dom prilikom razmatranja Komisijskog izvještaja o izvještaju o izvršenoj reviziji Ministarstva vanjskih poslova.
- U vezi sa informacijom da je Vijeće Ministara BiH utvrdilo Nacrt izmjena i dopuna budžeta BiH za 2001.god. i uputilo Predsjedništvu BiH na dalju proceduru, Komisija je zaključila da zbog moguće hitnosti razmatranja ovog dokumenta na Parlamentarnoj skupštini BiH, od Ministarstva za trezor BiH traži dostavljanje na uvid istog dokumenta kako bi se Komisija mogla pravovremeno pripremiti za razmatranje izmjena i dopuna budžeta BiH za 2001.god.

Komisija je zaključila da se problem izmjena i dopuna budžeta BiH za 2001.god. u ovisnosti od stavljanja Prijedloga izmjena i dopuna budžeta BiH za 2001.god. na sjednicu Doma, razmatra na sjednici Komisije koja će se održati 01.10.2001.god. u 12 sati odnosno 02.10.2001.god. u 10 sati ukoliko Prijedlog ne bude na sjednici doma od 02.10.2001.god.

- U vezi sa razmatranjem izvještaja o izvršenoj reviziji za 3 ministarstva na predstojećoj sjednici Doma, zaključeno je da će tom prilikom vezano za komisijske izvještaje o tome generalni izvještaj dati Dr Ljubomir Kovačević, Prvi zamjenik predsjedavajućeg Komisije, a da će Komisijski izvještaj o izvještaju o izvršenoj reviziji konkretnog ministarstva podnijeti svaki član komisije koji je bio zadužen kao izvještač za isto ministarstvo.

Prvi zamjenik
predsjedavajućeg Komisije


Dr Ljubomir Kovačević